



Rishabh Pant IPL asayatsü temsüa kümogo

VOL. XXI ISSUE NO. 152 (ADOK 152) DIMAPUR ROGONÜ (FRIDAY)

METSÜREMI (MARCH) 15, 2024

₹ 5.00

Minister Temjen Imna Along-i Manipur Angh ajuru



Minister Temjen Imna Along-i Manipur Angh ajuru mapang tangokba noksa ka yangi angur..

**Imphal, Metsüremi/March 14 (Agencies):** Minister, Higher Education & Tourism, Government of Nagaland, Temjen Imna Along-i Brehostibarnü Manipur Angh Anusuiya Uikey den Raj Bhavan,

**Sorkari petrol & diesel nung sen ana ajemtsüogo**

**New Delhi, Metsüremi/March 14 (Agencies):** Lok Sabha election atema anogotem sangdongtsü lia Centre-i Brehostibarnü petrol aser diesel litre nung sen ana ajemtsüogo.

Tawa liquefied petroleum gas (LPG) aser compressed natural gas (CNG) jenjang ajemtsüuba sulen Lok Sabha election tonga arudang petrol aser diesel nunga

**Eastern Nagaland Legislator temi MHA ketdangsürtem ajurutsü**

**Dimapur, Metsüremi/March 14 (TYO):** Eastern Nagaland nungi Legislator par 20-i New Delhi nungi Ministry of Home Affairs nungi ketdangsürtem aser Union Home Minister Amit Shah den ajuruteptsü telemtetba agiogo.

Iba telemtetba ya Kohima nung March 13, 2024 nü 'closed door meeting' ka aliba nung agia liasü.

Eastern Naga Students' Federation (ENSF) aser par Federation Units temi Eastern

**DCCI den PDADNC dena lir**

**Dimapur, Metsüremi/March 14 (TYO):** Naga Political groups balalai tanen makai shishilembartem dang saru balala saruba, merenshiba aser jaokba anema Dimapur Chamber of Commerce & Industries (DCCI) ajanga Dimapur telungzük aser temeket nung mapang telatet makai shishilempaba tesemtem shibangtsü (shutter-down) ta sangdongba nung onok dena lir, ta Petroleum Dealers' Association of Dimapur, Niuland and Chümoukedima (PDADNC) sangdong ka ajanga ashi.

Business environment nung tajunglen nungi tokteptsü asoshi DCCI ajanga bendanga agütsür nokdakba nung NGOs, business communities aser traders balala ajunga dang yaritsü ayongzüker, ta ashi.

DCCI-isa retail outlets tasenpur aser tang tashi register mesüi aliritem dang tajungba nung amalitep akatsü mechii Association nung adentsü ayongzüker, ta ashi.

Business environment nung tajunglen nungi tokteptsü asoshi DCCI ajanga bendanga agütsür nokdakba nung NGOs, business communities aser traders balala ajunga dang yaritsü ayongzüker, ta ashi.

**BJP Nagaland State ajanga angatetteptsü aser aremzükteptsü ayongzük**

**Dimapur, Metsüremi/March 14 (TYO):** Eastern Nagaland People's Organization (ENPO) ajanga ayongzükta tang longkak taitdak aliba ajanga Eastern Nagaland nung public emergency lir ta nenshia sayur. Frontier Nagaland Territory atema ENPO ajanga metokmeperi aser takhangba agütsüba Government of India-i agizikba BJP-i angateta lir, aser democratic yimya nung tangatettep kati arua jembishinü akatsü lokti tentet ajunga dang ajungshir, ta BJP Nagaland State tir Benjamin Yeppom-i sangdong ka ajanga ashi.

Ano tesasatsüka March 13, 2024 nü Tuensang nung Ato Kilonser Narendra Modi, Union Home Minister Amit Shah aser

National BJP president JP Nadda nunger mesüka yangluba noksa (effigies) tem arong. Iba ama

inyakyim ya kangasa tia maka, menüngdak aser tajangzük maka,

talisa Easter Nagaland taginüba Central lenirtemi angateta

peritsütsü mapang ka nung

inyaker, ta sangdong ajanga ashi.

Nükla tajung aketba lenir Ato Kilonser Narendra Modi lenisüba kübok Government of India-i

Eastern Nagaland terenlok aser ajungtsü asoshi temulung taroktiba nungi bendanga agütsür inyaker.

PM Matru Vandana Yojana,

PM Awas Yojana, PM Ujjwala

Yojana, PM Garib Kalyan Anna

Yojana, Free Covid-19

vaccination, PM Ayushman

Bharat Health Card, PM Kisan

Yojana, PM Mudra Yojana, Jal

Jeevan Mission, Khelo India, PM

Vishwakarma amala scheme

balala den Eastern Nagaland

socio-economic aser ki ojen

renloksü atema nüburtem

aginütsüla scheme tem aser Mon

nung Medical College

amenoktsüba yagi Central sorkar

tangatetba sayur, ta ashi.

Ajidang masü PM-DevINE

kübok Eastern Nagaland

kisüng atema sen crore 180

lemtsütsüba yagi Ato Kilonser

Narendra Modi, Home Minister

Amit Shah lenisüba kübok

Government of India aser BJP

National president JP Nadda

kübok BJP ajanga region aser

yangji aliba nüburtem temaba

jenjangi ajungkettsü meranga

inyakba sayur, ta BJP

Nagaland State tir Benjamin

Yeppom-i ashi.

BJP Nagaland State Unit ajanga ENPO dang taremküba aser tangatetba nung ulushitsü ajungshir, kechiaser tatem nung tajung kati arutsü asoshi inyakba mapang inyakyim tepeňa ajurutsüa akumer, ta ashi.

Longkak aitsü ya democratic society nung fundamental right ka lir, ajistüaka tangatetep tajung kati arutsü nüngdaka aliba jembishinü nungi pila maotsüla. Ajak ajangzüksü asoshi lokti tentet ajungai junga jembishinü asütsüla, inyakyim aser technical tsütsü yimya balala angatetsüla, ta sangdong ajanga ashi.

Ato kilonser aser union home minister kübok Government of India-i Eastern Nagaland ajanga lemsatepba tebilemtsü khuret angateta bentettsü aser ajaki mulungtsüsa takok tajung angutsü BJP Nagaland State Unit teimla lir.

Kati ka akumtsüboa, angatetepa aser tashi angatetepa alitsüsa asenoki asen mulungjang aser tekolok shisatsü anitsü asenok ajak lungjemer inyakti, ta Benjamin Yeppom-i ajangasa ashi.

**Election Commission-i electoral bonds data sayaogo**

**New Delhi, Metsüremi/March 14 (Agencies):** Supreme Court-i totuyuba agütsüba ama State Bank of India-i agütsüba electoral bonds data tem Election

Commission of India (ECI) indang official website nung Brehostibarnü adoktsüogo.

SBI nungi anguba aser data ya URL: <https://eci.gov.in/candidate-politicalparty> nung

angutsü.

Supreme Court-i March 11 nü totuyuba agütsüba nung ECI ajanga modification/clarification meshiba Hokulbarnü jembitsü.

ECI ajanga Supreme Court nem 'sealed covers' nung agütsüba documents tem sayatsüa ECI-i asüngdanga lir.

Obendanger pongu agi kumtetba Constitution bench kati February 15 nü alizüng tasen ka tongteta obendang agütsüba

Electoral bonds aliba anogo,

ta talir tenüng, bonds aliba jenjang

ajak tejangja agütsüogo, ta parnoki ashi.

SBI chairman Dinesh Kumar Khara-i agütsüba affidavit nung, electoral bonds encashment anogo, political party shirnoki iba sen agizük aser bonds indang denominations tejangja EC nem agütsüogo, ta shia liasü.

April 1, 2019 nungi April 11, 2019 tsünta electoral bonds 3,346 ali aser 1,609 redeem süogo, ta affidavit nung shia lir.

March 12 business hours matemdañsa EC nem electoral bonds indang tejangja agüjang ta totuyuba agütsüba SBI-i anogo atsülangtsü mepishi, saka Chief Justice D Y Chandrachud tekolakba sur aliba five-judge Constitution bench ajanga March 11 nü magizük.

**West Bengal CM Mamata Banerjee kidang alanga yiru**

**Kolkata, Metsüremi/March 14 (Agencies):** Brehostibarnü Trinamool Congress (TMC) ajanga ashiba agi par party tetsüti aser West Bengal Chief Minister Mamata Banerjee lar kidang alangba mapang kanga mejungi yiru. Iba osang ya party indang social media nung lemsatepaa liasü, kong Banerjee tenütsü nung zübü keta aliba noksa dena liasü.

Banerjee ya Kolkata nung aliba Seth Sukhlal Karnani Memorial (SSKM) Hospital bushia anirao aser iba sülen IPGME&R - SSKM Hospital Centre nung Bangur Institute of Neurosciences dangi belen.

Ajisüaka la zübü arbanga test balala agiba sülen lar kidangi anirao.

"Onok indang chairperson @MamataOfficial tulua yiruogo. Nenok sarasadem nung bileyetetangma," ta All India Trinamool Congress (AITC) ajanga X nung zületsü.

West Bengal CM Mamata Banerjee ya tang Kolkata nung aliba SSKM Hospital nung munga lir. La den mozü kidang Trinamool indang national general secretary Abhishek Banerjee lir aser la anepalutsü asoshi doctor ter agi team ka kumtetba lir ta ashir.

Banerjee yiruba osang angashia linük nung yimten yimsütsü aser opposition party leirtemi aoksaba lemsatepaa liasü.

West Bengal BJP tir Sukanta Majumdar-ia "CM @MamataOfficial tekeraba nung tanepstsü angutsü sarasademsür. La tekeraba nung temang junga akumtsü sarasademsür," ta X nung züluia liasü.

Delhi Chief Minister Arvind Kejriwal-ia "Ibai ngua aoksar. Didi na tekeraba nung tanepstsü angutsü sarasademsür. Tsüngremi na moajang," ta züluia liasü.

Andhra Pradesh indang taoba CM aser TDP lenir N. Chandrababu Naidu-i "West Bengal Chief Minister, @MamataOfficial tekeraba nung tanepstsü angutsü sarasademsür," ta züluia liasü.

## Angh-i Haryana nung seminar ka nung shilem agi



Nagaland Angh La Ganesan-i Prof. Mool Chand Sharma Auditorium nung seminar ka ayongzüka agiba nung shilem agiba noksa angur.

**Dimapur, Metsüremi/March 14 (TYO):** Nagaland Angh La Ganesan-i, New Education Policy of India & the Enhancement of the Higher Education Institutions dak sendakba nung March 14 nü Haryana nung Central University kubok Prof. Mool Chand Sharma Auditorium nung seminar ka ayongzüka agiba nung shilem agiogo.

Seminar nung o jembiba mapang Angh-i, New Education Policy ya temelensi temaitsü ka lir, koba linük nung education landscape melenhitsü nükjidong nung benokba lir ta ashi.

Paisa, NEP 2020 ya nükla tajung yur benokba lir aser iba ajanga tang benoka aliba inyakyim nung metongmejen aser tetsükdaktsü alibatem reprangteter aser item ya bentettsü atema inyakyim tasen ka benoker, ta ashi.

Angh-i ashiba agi, NEP 2020 tongshi tongtibangtem rongnung kaji iba yagi lenla ajak nung terenlok aser taküm tepeyong angazükyonga aotsüba dak rangloker. Paisa, kaket shisatsü ya shisatsü

bendentsüba atema dang masü saka aso 21buba nung nüngdakba sempet, tasa, yimyayimpontem terenlok asoshi lir, ta ashi.

Iba policy ya kanga junga shisadanga inyaktsü, sangrasangji ajungketsü, jembishinüba yimya tali tajungba kümdaktsütsü aser loktiliba inyakyim tali tajungba angatetdakja tangazükertem tanü putu nung parnok lenmang mesapoka aotsü atema renemtsütsü asoshi lir, ta Ganesan-i ashi.

Iba police ya vocational education, internships, aser apprenticeships dak rangloker lir aser iba ajanga kaketsiritem nem teka amoka inyakba tajangshiba aser mapa balala asoshi tenüngdakba tasatem agütsütsü asoshi lir, koba mapa balala asoshi takhangba kanga lir, ta pai ashi.

Maneni Angh-i, foundational skills den bendenloksema NEP 2020 ya experiential learning aser education nung technology bendenloksüba dak rangloker lir ta ashi.

Mapa balala atema school aser college tem nung skill

balala tangazükba agüja NEP 2020 yagi education aser employ ability na sendakteptsütsü meranger ta paisa shisem.

Angh-i ashiba agi, 2047 küm tashi nungbo kaketsisatsü angazükba nung tebendang aliba ya tajemba kümdakja tanurtem koba jenjang nungi südir süaka ajak jenjang aketba k a k e t s h i s a t s ü angazükdkaktsütsü atema maongka agütsütsü nükjidong lir. Angh-i VC, PVC aser PD tem nem memento agüja liasü.

Iba seminar nung ano Pro Vice-Chancellor (Dr) Sushma Yadav Central University of Haryana, Vice-Chancellor M.D.S University Ajmer, Prof.(Dr) Anil Shukla Mharshi Danyanand Saraswati University Ajmer aser VC Prof (Dr) Tankeshwar Kumar Central University of Haryana (CHU) Mahendergar nungeria o jembia liasü.

Sentong nung Dr Arvind Singh Tejawat, CHU, Mahendergar-i lokti pela agizükba o jembi aser Prof Bir Pal Singh Yadav-i tepela o jembia liasü.

## Mkg nung interactive case study analysis sentong ka agiogo



**Dimapur, Metsüremi/March 14 (TYO):** NEP 2020 CBCS kubok curriculum nung shilem ka ama Department of Political Science, Fazl Ali College aser Clark Centre for Peace Research & Action (CCPRA), Clark Theological College, Aolijen, Mokokchung

na longjemer interactive case study analysis sentong ka ayongzüka agiogo.

Semester IV nungi Skill Enhancement Course (SEC) kaketshiritem Community Policing & Conflict Resolution, Dispute over Environmental Conservation

& Interfaith Dialogue & Understanding dak sendakba nung tetoktepba ka agia liasü.

T e t o k t e p b a tetendangertem rongnung CTC faculty Rev Dr A Tali Ao, Dr. Tsuknungrala aser Moasenla nunger densema liasü.

Iba sentong ya Prof. Jangkhomang Guite, Department of History & Archaeology, Nagaland University, Kohima Campus lenistüba nung agitsü aser Prof. Tiatoshi Jamir, programme organizer, Department of History & Archaeology, Nagaland University, Kohima Campus-i lokti pela agizükba o jembitsü.

Maneni sentong nungsa Dr. R. Chumbeno Ngullie, programme organizer, Department of History & Archaeology, Nagaland University, Kohima Campus-i tepela o jembitsü.

## BPCC (A-N) ajanga A. Kilem Longchar asükhu lemsatep

**Dimapur, Metsüremi/March 14 (TYO):** Border Peace Coordination Committee (A-N) kumtetba mapang züngsem süa alir A. Kilem Longchar asüba osang angashia kanga sasar, ta BPCC (A-N) tir Jiten Buragohain-i sangdong ka ajanga ashi.

A. Kilem Longchar ya arishi küm 87 liasü aser pa March 14, 2024 nü asü.

Pa den asüpila sentong par tasoyim Akumen (Lirmen-C) nung Hokulbarnü agitsü.

Pa asüba asoshi BPCC (A-N) züngsem ajaki mang ayimer, ta sangdong ajangasa ashi.

## SCPD-i NLA complex Kohima asadang



**Kohima, Metsüremi/March 14 (TYO):** State Commissioner for Persons with Disabilities (SCPD), Nagaland-i tanü Nagaland Legislative Assembly (NLA) Complex, Kohima asadango.

kazidaka senzüsenpong sadema mesütetertem atema facilities agütsüslü, ta Nakhro-i ashi.

Lai ashiba agi, lemtamatartem tenüngdakba nüburtem angateta arudar aser küm ishika tsüngda lenla aika nung renloka odar. Ajisüaka taoba mapang kisüdang aibelenba ajanga tenüngdakbatem yanglushitsüsa akümer, ta lai ashi.

Maneni Nakhro-i, lemtamatartem tenüngdakba tali jangashidaktsütsü atema nüburtem, kettangsürtem aser staff tem nem tangazükba agütsütsü nüngdaka lir, ta ashi.

Nakhro-isa, Rights of Persons with Disabilities (RPWD) Act, 2016 aser Harmonised Guidelines Standards for Universal Accessibility in India 2021-i tetuyuba agütsüba dak ajemdaker lemtamatartem temeden aser parnok atema facility tem indang metedakja liasü.

Secretariat complex ya disability commissioner Diethono Nakhro-i anir asadangogo. La meina Khrisenuo Kire, Senior legal consultant; Asenla Walling, asst. Legal consultant aser Viketukho Nakhro Program coordinator nunger oa liasü.

## Metongshitsür

**Dimapur, Metsüremi/March 14 (TYO):** March 13 nü Press release NO.CP/DMR/CB-131/2023-24/5191 osang kaket

balala nung sangdongba nung Satakha yimtsüng ta shisema aliba ya Satakha Police Station ta metongshir züngdaktsüner, ta Dy. Commissioner of Police (Crime)/PRO, Dimapur sangdong ka ajanga metedaktsü.



March 14, 2024 nü New Delhi nung 'One Nation, One Election' atema tentetba High-Level Committee (HLC) nung Chairman, Ram Nath Kovind-i linük Tir, Droupadi Murmu nem One Nation, One Election report agütsüdang tangokba noksa nung angur. Kasa noksa nung committee züngsem ama- Union Home Minister Amit Shah aser DPAP lenir Ghulam Nabi Azad nata angur.

## One Nation, One Election committee report Tir nem agütsüogo

**New Delhi, Metsüremi/ March 14 (Agencies):** Taoba electoral roll aser voter identification cards atema state mapang linük Tir Ram Nath Kovind-i aniba 'One Nation One Election' Committee-i Brihostibarnü Rashtrapati Bhavan nung linük Tir, Droupadi Murmu ajurua la nem nem committee report agütsüogo.

Ram Nath Kovind-i aniba committee jagi Lok Sabha election aser state assembly elections külemei dang agitsü, iba sülen anogo 100 tsüngda local bodies election agitsü benok.

Elections külemei dang agiba ajanga terenlok kera alitsü, loktiliba longjemtsü, democratic inyakyim tashi aittü aser India indang mangdang ataloktsütsü, ta report nung shia lir.

Committee-i Election Commission of India danga

Congress, Samajwadi Party, CPI, CPI(M), AIMIM, RPI

electoral bodies den longjemer inyaktsü mepishi.

Committee-isa linük temzüng nung ozüng aika yanglussü benokogo; item ozüng teimbaka state tem dang nungi temelaba agitsü menüngdaker.

Tang Election Commission of India-i Lok Sabha aser assembly elections ketdangsüa agir saka municipalities aser panchayats election bo state election commissions kübok agir.

Committee-i iba report renemtsü atema anogo 191 tashi stakeholders aser mongintem den shisa lemsatepa aruogo, ta ketdangsertem sangdong ka ajanga metedaktsü.

Tawa High Level Committee-isa BJP, Trinamool

asер Apna Dal densema party aika dena shisa lemsatepogo. Ajioda item party nungi lenirtemi tezüluba nung pei tebilemba committee den lemsatepa liasü.

Rashtrapati Bhavan nung report agütsüba mapang nungji committee züngsem ajak-Union Home Minister Amit Shah, Union Law Minister Arjun Ram Meghwal aser DPAP lenir Gulam Nabi Azad nunger densema liasü.

India nung elections ajak mapang ka nung dang agitsü nükjidong nung yaküm September ita nung Centre sorkari 'One Nation, One Election' asadangtsü atema Kovind leniba nung high level committee ya tenteta liasü.

## Sukhbir Singh aser Gyanesh Kumar na Election Commissioners shim

**New Delhi, March 14 (Agencies):** Taoba mapang ketdangser ana- Sukhbir Singh Sandhu aser Gyanesh Kumar na election commissioners shimogo.

Ato kilonser Narendra Modi-i aniba search committee-i election commissioner menden tazüng ana atema tena shim.

Committee senden amenba sülen Brihostibarnü osangbenertem den jembidang committee nung züngsem aser Congress lenir, Adhir Ranjan Chowdhury-i, candidate trok shima liasü aser high-level committee nung züngsem teimbakati Sandhu aser Kumar

na shim, ta metedaktsü.

Election commissioner mendan tazüng ana atema mezung shimbala candidates trokji Utpal Kumar Singh, Pradeep Kumar Tripathi, Gyanesh Kumar, Indevar Pandey, Sukhbir Singh Sandhu aser Sudhir Kumar Gangadhar Rahate nunger liasü aser par trok nungjagi tesüsa Sandhu aser Kumar na shimtet.

2021 küm Sukhbir Singh Sandhu ya Uttarakhand nung chief secretary shima liasü.

Gyanesh Kumar ya Home Ministry nung aliba mapang Arrla 370 agienba maparen

Taküm election commissioner Anup Chandra Pandey mendan nungi anisüngzükba aser kobi melii Lok Sabha election agitsü lia tawa Arun Goel-i ajungbena mendan toktsüba ajanga election commissioner mendan anaprong atema nübo tasen shimtsüsa aküm.

Brihostibarnep search committee nung züngsemtem- Ato kilonser Modi, law minister Arjun Meghwal aser Opposition Lenir, Chowdhury nunger senden mena liasü.

## Gender Inequality Index 2022 nung India jenjang 108 buba nung lir

**New Delhi, March 14**

(Agencies): United Nations Development Programme-i sayaba Gender Inequality Index 2022 nung linük 193 nungi India jenjang 108buba nung lir; India score ji 0.437 liasü, ta osang ka ajanga metedaktsü.

Gender Inequality Index 2022 ya March 13, 2024 nü UNDP-i parnok indang Human Development Report 2023-2024 nung saya.

2021 küm Gender Inequality Index (GII) nung India jenjang 122buba nung liasü aser score ji 0.490 liasü saka 2022 küm nungbo jenjang 108buba kümogo aser ibaji ajanga India jenjang 14 agi tajungba akumba sayur.

Tesüba küm 10 tsüngda India nunger GII tajungba dang kümdar, aser ibaji ajanga linük nung 'gender equality' jenjang tajungba akumba kuli sayir.

Ministry of Women & Child Development-i sangdong ka ajanga, "Iba ya sorkaria loktiliba-rongsenketzung aser yimtenren tsütsü tetsürtem terenlok kadakja tetsür nem tashi agütsütsü atema mapatong balala benokba ajanga lir," ta metedaktsü.

UNDP-i ashiba agi, GII ya ajanga lenla asem amshia tetsür-tebur kasa mezüngshiba jenjang asadanger; lenla asemji reproductive health, tetsür nem tashi agütsüba aser labour market lir.



March 14, 2024 nü New Delhi nung Rajya Sabha Chairman, Jagdeep Dhankhar-i ketdangsüa Sudha Murty nem Rajya Sabha MP tenangzükba agidaktsüdang tangokba noksa nung angur. Kasa noksa nung House Lenir, Piyush Goyal-a angur.

## CAA ozüng ya kodanga magientsü: Amit Shah

**Hyderabad, March 14**

sangdonga liasü. Küm pezü tejaklen iba ozüng ya Parliament nung agizüka liasü.

Iba ozüng kübok Pakistan, Bangladesh aser Afghanistan linüktem nung reshikangshi ajanga India-i arua jenoka alirtem nem India senso agütsütsü.

CAA ya Muslim nungertem anema lir ta kari tai tongloksür, ajisüaka Centre-i ibaji magizüker.

Lok Sabha election agitsü atema Election Commission-i anogotem sangdongtsü mapang ana nung lia CAA ozüngtem sangdongba sülen Opposition-i, iba ya BJP-i aniba Centre sorkari "vote bank politics" asayaba lir, ta aitsür.

Amit Shah-i, "Opposition teinyaktsü mapa mali, parnoki surgical strikes aser air strikes ajanga yimtenren tsütsü tajangzük nguogo ta aija liasü. Onoki kiralongra anema meinyaktsü asü? Parnokisa Arrla 370 agienba-a yimtenren tsütsü tajangzük atema inyak ta aitsü. Arrla 370 agientsü, ta onoki 1950 küm nungi jembia aruogo," ta metedaktsü.

Assam nung CAA benoktsü asü, aser CAA o National Register Of Citizens (NRC) na tesendaktep ali asü?, ta asüngdangba langzüdang Shah-i, NRC ji CAA den sendaktepa mali, ta metedaktsü.

"CAA ya Assam aser linük tesem balala nung benoktsü. North East nung temeden balaka agüja aliba state ana nung ang CAA mebenoktsii," ta pai metedaktsü.



बङ्क ऑफ बारोडा  
Bank of Baroda

KOHIMA BRANCH  
Main Bazar Road, Near Old Taxi Stand, Kohima- 797001  
Email: Kohima@bankofbaroda.co.in

Kiojen ayoktsü atema Sale Notice  
APPENDIX- IV-A [See proviso to Rule 6 (2) & 8 (6)]

Securitisation and Reconstruction of Financial Assets and Enforcement of Security Interest Act, 2002 aser Rule 6 (2) & 8 (6) of the Security Interest (Enforcement) Rules, 2002 kübok kiojen ayoktsü atema E-Auction Sale Notice.

Public asert talisa sen apur(tem), Mortgagor(tem) aser Guarantor (tem) nem iba sangdong agütsür, Secured Creditor dang mortgage/charge asüba tsünglangen shia aliba kiojen Bank of Baroda nung Authorized Officer agiadokogo, aser iba kiojenji "Kong koma alii", "Koma lidir yamaji" aser "Yangji aliba ajak" tsünglangen shia aliba account/s/nungi sentsuhs alangzüktsü atema ayoktsü. Sen apur(tem)/Mortgagor(tem)/Guarantor(tem)/alangzük aliba kiojentem/sentsuh/Reserve Price/e-Auction anogo aser mapang, EMD aser Bid Increase Amount tsünglangen metedaktsür-

Sl. No.	Name & address of Borrower/s / Guarantor/ Mortgagors	Short description of the immovable property	Total Dues	Date of E-Auction, Time of E-Auction, Start Time to End Time	1. Reserve Price 2. Earnest Money Deposit (EMD) 3. Bid Increase Amount	Status of Possession (Constructive/ Physical)	Property Inspection Date & Time
1.	Mr. Hyungwalo Jeshing Rengma, R/o H. No. E/A-1/01, Agri Colony, Opp. Stellai Higher Secondary School, Kohima, 797001, <b>Mr. Kewetso Mero (Guarantor)</b> New Minister Hill, Kohima- 797001.	Land and building measuring 1500 Sq.ft covered by Patta No. 8364 (New), Plot No. 5531 situated at Agri Colony, Kohima, District Kohima, Nagaland standing in the name of Mr. Hyungwalo Jeshing Rengma. <b>Bounded :</b> On the North by: Property of Seyiekhol Angami, On the South by: Property of Hyungwalo Jeshing, On the East by: Nullah, On the West by: Property of Seyiekhol Angami.	Rs. 1,98,87,471.60/- (Rupees One Crore Ninety Eight Lakhs Eighty Seven Thousand Four Hundred Seventy One and Sixty Paisa) and interest and other charges thereon w.e.f 30.07.2022.	Date: 30.03.2024, Start Time: 01.00 pm End Time: 03.00 pm	1. Reserve Price: Rs. 2,57,00,000.00 2. Eamest Money Deposit: Rs. 25,70,000.00 3. Bid Increase Amount: Rs. 10,000/-	Physical Possession	28.03.2024 at 1.30 P.M.
2.							

Iba kiojen ayoktsü telatetbatem tejangja metetpeltsü atema yimlibilema website link <https://www.bankofbaroda.in/e-auction.htm> and <https://ibapi.in>

Date: 15.03.2024

Place: Kohima

Mr. K H Zhimo  
Authorised Officer  
Bank of Baroda



# TIR YIMYIM

## YIMOBILEM (EDITORIAL)

DIMAPUR ROGONÜ, MARCH (METSÜREMI) 15, 2024

### Nagaland ya telinütsüka asütsüla

**D**imapur nung Forest department pur office alidak tesem nung küm ishika jakdang yangluba ki ka yakanü Naga nungertem asoshi dang masü saka tangar bendangertema Nagaland nung pei sen amshia terenlok mapa inyakba nung shilem aginürtem asoshi mapa inyakdak tesem asütsü atema lapokogo. Iba ki ya kechi nüngdak asoshi yangluar mejangjatet aser melapoktet, kibo renemer mapang talangka ayuba sülen menur asüyonga tang nükjidong tajung yur 'Integrated Business Hub & Innovation Center' asütsü atema lapoktsüogo. Atangji, tangbo Naga nungertema peisasa apiteta business tajung inyaker lanurtem karbo adokogo, anungji parnok mapa inyakdak office lapoka inyaktsü asoshi state government-i kiojen yanglua agütsütsüba kanga nüngdak kümogo. Aji oda, kodang business inyakertem ajak tesem ka nung amenoker mapa inyakdir, idangjiang nüngdak nisungtem melamelaa ajurutepa shisalemsateptsü aser sentong tajungba aser tuluba inyaka otetsü. Iba denji ano tangar bendangertem shirnoki pei sen amshia Nagaland nung business inyakner, parnok asoshia tang lapokba ki ama nungji office amenoker mapa tenzütsüba anisüngzük tuluka asütsü. Ibaji Nagaland state government nükjidong lir. Ibaji temulung nung yur, mapang mapang shia state government-i linük nung industry tapu balala lapoka inyaker company-tem jaoka sentong balaka agiba asenoki angur. Iba ama sentongtem nung Nagaland nung yimsüsür aser ketdangsertemi company-tem dang Nagaland nung aruagi amenoker parnok sen amshia mapa inyaktsü asoshi o tajung aika jembia ajungshir. Atangji, khenkenbo parnok mesüzüka jembir amaia angateter. Ajisüaka, kodang asenoki jungjunga bilemdangdir, asenoki company kiburtem nem sempet tajung agütsür külenang o tajung agi mesüzüka Nagaland nung parnok sen amshia terenlok mapatem inyakdaktsütsü merangbaji mashikoshi mapa ka dang lir, kechiyong koba company südir sang parnokji Naga nungertem meima angati Nagaland nung terenlok mapa inyaktsü atemabo marutsü saka parnokji business nisung, anungji parnok atema tajangzük bushia dang arutsü. Anungji, asenoki parnokji mepishia jaoktsüsa masü saka parnokiang asenok dang arua külemi mapa inyakdi ta mepishitsüsa asenok alitsüla. Ibaji ataloktsü atema, mezüngbuba nung ajak atema Nagaland ya telinütsüka yanglutsüla. Aji oda, Nagaland ya telinütsüka meyanglutet tashi sempetsa sempet agüja o tajung agi mesüzükyonga, nisung nüchiibo pei sen amshia Nagaland nung business inyaki marutsü. Iba nüngdakji tama state government-i ataloktsütsü merangtsüla. Atangji, Nagaland nung terenlok mapa meinyaktettsüsa Naga nunger ashir-auer aser rakzükrateemer nisung tamajungbo mali. Ibayongji, nübortem aonunga aser anüngdanga tetsübu tarendak melii senzür. Ajisüaka, Naga yimten tebilemtsü ya tatem kuma mekotket tashi business inyakertem asoshibo timtem aser shisabolu tulu lir. Iba tebilemtsüji tang Dimapur nung business inyakertem dang Naga nunger yimten nüchiso bushir telok zünger mezüngmai saru meshiba timtem maremtet shishilembaba mapatem ajak anena atatsü ta metedaktsüba lagi angatettsü. Aji oda, yimten nüchiso asoshi inyaktsü atema telok balalai Nagaland gate nungi tenzüker osettsüset ayudak godown aser dokan tashi arua saru meshiba agi lisopurtemia dena timtem marem tashi nungbo, asen meyong "Integrated Business Hub & Innovation Center" ji bushia bendanglen nungi 'Investors' bo marutsü. Ibaji meteta asenoki tangar mejaokdang tamasa asen ki bentetmatsüla.

# OLEMSABANG

### CMC Vellore Chaplain den sensaksem

~ P. Alem Jamir

CMC Vellore Chaplain Mr. Lipok den sensaksem pangtibang olen aika lemsatepa liasü. Yangji asen nüburtem tangazüksü lesson kar lir ama bitem nung ni tongtibang olen kar agiteta tanu yangi iba osang kaket azüngertem den lemsateper.

**Tezülür (T)=** Tenur Lipok, tanu na ajuruba asoshi kanga pelar. Ne mapa ya ngua jangra atemer. Nai mulungra osang kaket atema ne den sensaksemnür.

**Lipok =** Ibai Tsüngremi moatsüba mapang tajung ta ni agizüker, kechiaser yamaji inyaktsü asoshi tanü tashi nung nia kecha meblemi liasü. Anungji tanü na ajuruba asoshi ni kanga pelar.

**T =** Tang agi na küm kwibuba CMC Vellore nung Chaplain mapa ya inyaker?

**Lipok =** Küm 6 buba inyaka arudagi.

**T =** CMC hospital Vellore nung Naga Chaplain ka aliba indang ya tera rasaa ashitsü asu?

**Lipok =** Ibai NMM ajanga Naga nunger hospital nung treatment-i alurtem anepalutsü asoshi yokba Ministry ka lir. Iba ministry ya 1988 nungi tenzüka asen lenir Asür Rev. Dr. Noksangchila mezung ser inyaka arudagi.

**T =** Aji kanga junger aser jangratema bilemer. Na itasen ya NMM-i agütsür asu?

**Lipok =** Masü, NMM ya CMC Vellore Chaplain atemaji NMM kubok aliba Arogotem dang Mission mapa inyaktsü peisasa mulungtetsü ashir. Anungji asen ABAM kubok aliba Mission kanga junga angatetba Sungkomen Ao Baptist Arogoi iba khuret tongzüker tang agi küm 6 buba küm nem itasen tajung agüja arudagi. Iba mapa ya Sungkomen Arogoi küm aika tejaklen nungi inyaka arudagi. Asen Ao kin asoshi dang masu Naga nunger ajak atema Sungkomen Arogoi mulungsoa küm nem itasen agütsüba asoshi ni shirangertem ajak tenüng nung Arogo dang kanga pelar.

**T =** Hau aji kanga jangratemsü aser tenükshitsü Arogo lir, tarutsü nung ano Tsüngremi par Arogo tali moajangma. CMC mozuki ama nung ya nübur tenzükba nung na kanga mazüngi alitsü südi. Anungji anogoshia nai inyakba mapa indang tera ashitsü akok asu?

**Lipok =** Anogoshia inyakba mapa indang tadongi shidi süra aika. Anungji tongmelang agi tongtibangtem kar shidi:

Ni anogoshia 8 AM - 4:30 PM CMC hospital dak sendakba official assigned duty yamai inyaker:

1. Anogoshia Dr. Department balala den 30 minutes Bible study agir (tayongzükba/tajungshi den sarasadem agir)
2. Chaplain shia patient amungba Ward lemzükja lir, anungji anogoshia shirangertem sarasadem agüja semdancer.
3. 12 noon nung shiranger semdangbapur atema Chapel nung sarasadem mapang agir.
4. Chaplain-tem tamang akangshitsü devotion agir aser paper presentation agia shisatsü bushir.
5. Student-tem (MBBS/Nursing/Allied Health) parnok den Bible class agir aser anogoshia CMC dak sendakba mapatemji temer kulen Naga nunger Lodge/rent nung munga alirtem semdanga treatment sentong yanglua sarasadem agüja jajar.
- i) Iba den ano Deobar nikongdang shia Naga nunger shirangertem aser CMC nung course balala azüngi alurtem den sentep tajung agia Tsüngrem o ashir aser sentep temer onok tsüngda ano tali metetteptsü atema Coffee fellowship agia sarasademer senshir.
- ii) Item dak alaka tongtibangsa Naga nunger shirangertem alua anenzüksü asoshi ki bushitsü, doctor ajurutsü appointment yanglutsü, mozükji kanga tulu asunung nungdakba nisungtembo doctor ajrua anir jajar, etc.

**T =** Na küm 6 buba inyaker sura tang tashi nung nai nisung aika yarir alitsü. Anungji item ajakji masu saka tongmelang agi nai taoba küm tsüngda inyakba tongtibang kar ashitsü asu?

**Lipok =** Ibaji ni inyaktetba masu saka ni yariba Arogoi inyakba alitsü. Kechiaser ibai Naga nunger ajak asoshi Sungkomen Arogoi inyakba Mission ka lir ta metetdi. Taoba küm (2023 Jan-Dec) Naga nunger CMC Hospital nung treatment-i alur yamai liasü. Shirangertem ajak agi 148. Parnok telemsaji yamai liasü:

- |                                      |                               |
|--------------------------------------|-------------------------------|
| 1. Cancer treatment nisung 25        | 2. Kidney treatment nisung 25 |
| 3. Temulungjang (Cardio) treatment 5 | 4. Gastroenterology 6         |
| 5. Pulmonary treatment 6             | 6. General Medicine 22        |
| 7. ENT/eye 12                        | 8. Orthopedic 5               |
| 9. Rheumatology 5                    | 10. Gynecology 6              |
| 11. Neurology                        |                               |

Parnok denji sarasadem aser Tsüngrem o agi dang masu saka ni akokba lenmang ajak nung yaritepa aruogo.

Ano Naga nunger ajak asoshi osang tajung ka yamai lir. CMC-i treatment atema alurtem sarasadem ka agitsü asoshi 2021 Dec. 21 nu "Dimapur Circuit House" nung ni sentong ka ayongzük. Iba anogo sentong tajung agir Committee ka shimsü teloki küm nem nungloksü. Anungji shisadanger kulen parnok nisung 4 (kin balala nungi) shimsü "CMC Connect" ta tenung jajateta Vellore nung Naga nunger asoshi teyari lenmang ka bushitsü tenzük. Onok telok lagi Nagaland Government Official Chief Minister aser PWD (Housing) Minister tashi ajurua, Naga nunger Vellorei alur shirangertem timtem indang lemsaa liasü. GoN-i nungdak ajak angateta Tamil Nadu CM dangi Nagaland CM ajanga temepishiba aser teyari aginua zülbü ame TN Govt-i küm 2022 to Vellore yimti nung "Naga Patient Rest House" ka yanglutsü atema ali kimung ka angati agütsüogo. Iba indang zülbü banglu ajak onok ket nung shitak yua kar. Naga nunger sarasadem tanü koba Tsüngremi asangsang nung moaja kimung tajung nguteta lir yangji ki sua yaktasa Naga nunger shirangertem anisungzük ngutettsüsa Nagaland sorkari tekara nung mapa kuma inyaktsü küm sarasadem aser teimla tulu lir.

Tatem nung iba osang azünger ajak den küm temel salem lemsateper. Tarutsü nunga nungdakba nübur ajak yariteptsü asoshi küm mapa aser Sungkomen Arogo asoshi maneni sarasademjangma. Yaser nenok shirnoksa CMC Vellore dak sendakba nung teyari nungdakdir yariteptsü mulunga lir.

**T =** Kanga pelar Chaplain. Iba osang azünger ajak Tsüngremi moajang.

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger i angateta agitsü mepishir**

# Tennessee nung aliba Arogo ka nung kenüyongi nisung 93 bapti



March 10, 2024 nü First Baptist Church, Hendersonville nung senior pastor Bruce Chesser (tiyongtsü) den pai baptitsüba nisung ana noksa nung angur.

**March 14, 2024:** Tennessee nung aliba Arogo ka nung anogo ka kija nung tekülem sentong pezü agidang nisung 93 baptiogo, aser parnok ajakji ajungbenä Khrista agizüka baptitsü melungteterem liasü.

Hendersonville, Tennessee nung aliba First Baptist Church nung hopta shia nisung 3,600 shi Tenla kidangi arur aser iba Arogo nung taoba Amongnü (March 10) nisung 93 baptibajji anogo ka kija nung nisung teimitiba baptiba liasü.

Arogo campus tesem balala nung tekülem sentong pezü nung nisung 93 bapti; anepdang 8:30 ako nungi agiba tekülem sentong nung nisung 12 bapti, anepdang 9:45 ako nungi agiba

tekülem sentong nung nisung 22, kasa mapang nung agiba tekülem sentong nung nisung pongu bapti aser anüngdang 11:00 ako nungi agiba tekülem sentong nung nisung 54 bapti.

Osangbener den jembidang First Baptist Church nung Senior Associate Pastor, Bruce Chesser Raley-i, iba anogo nungji sarasadem agitsü jelia terenemshiba liasü aser baptirtemji baptitsü tebilemba nung Tenla kidangi aruba masü, ta metedakstsü.

"Nisung 93 baptiogo. Parnoki iba anogo nungji baptitsü tebilemba maliasü saka parnok baptitsütsü atema onokbo jelia renema dang liasü. Tsüngremi parnok den jemi

aser parnokia tashi anga," ta pastor-isa metedakstsü.

Raley-i, United States tesem balala nung nisung aika par Arago Tenla kidangi arur; parnok rongnung aika tamangba yimsü mali mesüra tanga yimsü amangertem liasü, ta ashi.

"Tang mezüng onoki Laishiba koda tongtibang aser Laishiba nung baptiba tetezü angashiogo, ta parnok aikati ashi," ta paisa metedakstsü.

Raley-i, tawa baptiba nisung 93 ji small group Bible study nung dendakstsü, ta ashi.

"Baptiba ya onok asoshi kanga tongtibang. Onoki nisung aika Khrista dangi arua yimjak nung kulisia baptidakstsüner," ta paisa shisem.

## Pakistan nung Khristan kati Tsüngrem mezüngmeshi ta tai tongloksü

**Lahore, March 12**

(Agencies): Pakistan nung Muslim nunger kati taoba mapang kasa school nung azünger arrshi küm 18 Khristan ka Islam yimsü dangi meyipdakstsü merang saka makokba agi pai Tsüngrem mezüngmeshiogo, ta tai tongloksü.

Muslim nunger Sheraz Gulistan-i tai tongloksüba nung ajemdaker March 6 nü police-i Punjab province kübok Attock yimi nung Ashbeel Ghauri apu.

Ita ana tejaklen WhatsApp group ka nung yimsü indang o lemteba mapang nung Ashbeel Ghauri-i Islam yimsü mezüngmeshiogo, ta Sheraz-i pa nem tai tongloksü, ta tebu Babar Ghauri-i metedakstsü.

Babar Ghauri-i, "Ashbeel aputsü atema police arudang onok kanga aoksa. Sheraz den Muslim nunger kati ozü jabaso dang Khristan yimsü toktsü Islam yimsü agizükang, ta shia rongshibaji ozü jabasoi onok den melemsatepi liasü," ta metedakstsü.

Babar Ghauri-i, "Ashbeel atema police arudang onok kanga aoksa. Sheraz den Muslim nunger kati ozü jabaso dang Khristan yimsü toktsü Islam yimsü agizükang, ta shia rongshibaji ozü jabasoi onok den melemsatepi liasü," ta metedakstsü.

Parnok school külemi züngtemba sülen Ashbeel Ghauri-i college azüng tenzük saka par class pur Sheraz Gulistan bo Islamic seminary ka nung ang azünger, ta Babar

Ghauri-i ashi.

Ghauri'er kibong ya Presbyterian Arago ka nung züngsem lir.

Gulistan aser tangar Muslim nunger temi Ashbeel Ghauri nem Islam yimsü agizükdakstsü nükjidong nung pa den yimsü indang aiben o lemtepa aruogo, ta parnok ashi.

Babar Ghauri-i, "Taoba mapang par class purtemi pa tazüngba aser tarutsü lenmang raksatsütsü nükjidong nung pa nem tiyazü nung tai tongloksü, kechiyong pai Khrista dak amangba toktsütsü memelungi liasü," ta ashi.

"Ozü chirnur asem rongnung Ashbeel Ghauri ya tambusang lir, anungji onoki pa dak teimla tulu lir," ta tebuisa metedakstsü.

"Ozü kibong atema, talisa Ashbeel atema tang mapang ya kanga tongtibang mapang ka lir, ajişüka Tsüngremi iba tetendangba kokdakstsü aser tamang ajanga pai takok angutsü, ta onoki meteta lir," ta paisa metedakstsü.

"March 8 nü tetsü künati jail nung pa ajuruogo. Ashbeel-i onok dang shisa tebulu, kechiyong Khristai pa sendoka meyutsütsü ta ashi," ta paisa metedakstsü.

Gulistan-i, taküm January

Ghauri'er kibong ya ita nung Ashbeel-i WhatsApp text messages ka ajanga par Islamic Allah dak mamanger ta metedakja liasü, ta tai tongloksü.

WhatsApp ajangasa Ashbeel-i Islam yimsü nung Muslim nunger teburtem kibong pezüben akümtsü melaba ashishia liasü, ta tai tonglokja lir, ta Ashbeel atema ken o jembitsür legal aid group Christians True Spirit (CTS) nungi Nadeem Hassan-i metedakstsü.

Hassan-isa, "Ashbeel-i parnok ashi kanga tongtibang mapang ka lir, ta Ashbeel atema ken o jembitsür legal aid group Christians True Spirit (CTS) nungi Nadeem Hassan-i metedakstsü.

Hassan-isa, "Ashbeel-i parnok ashi kanga tongtibang mapang ka lir, ta Ashbeel atema ken o jembitsür legal aid group Christians True Spirit (CTS) nungi Nadeem Hassan-i metedakstsü.

Pakistan nung Tsüngrem mezüngmeshi ozung kübok 2023 küm nisung 329 nem tai tonglokja liasü. Tai tonglokja alirtem rongnung 247 bo Muslim nunger, Ahmadi nunger 65, Khristan 11, Hindu nunger ka aser nisung pongubo yimsü mejangja.

## ANOGO ABEN TSÜNGREM DEN

### Tazüokba tanela

"Kodang ochi Tanela arudir, Pai ajak ochiba agi nenok anitsü." - Yohan 16: 13.

Kibuba Yisui Tanela Temeshiji asen Teyarir aser Lenir ta metedakstsü.

Tanela Temeshiji amangba pur ajak dak alir aser Pai ajak tzüratemdakstsü. Kodang tesayubaji Tsüngrem nungi mesülir mesüra jungkai adokbaji Tsüngrem nungi mesürabang idakji temulung asüba malitsü. Yohani iba indang 1 Yohan 2: 26, 27 nung zülu: ... "Pa nungi nenoki kechi mezüja shimetba angu, aji nenok dak nungi... koda nenok dang sayu, aji oda nenok Pa dak liang". Iba Lai yagi tiyazü tesayurtem asoshi jembir.

Tanela Temeshi-i asenok dang ashi, tanelatem aser temenen tanela tesayuba anema tekümdangtsü ashir (1 Tim 4: 1). Memeshiba tanela agizükba lagi Tanela Temeshi jashidakstsü. Pauli 1 Tesalonika 5 : 19-22 nung Tanela remsepakstsüba mapa asem indang zülu. (1) Sayutsüngiba mezüngmeshiba (2) Tajung tamajung metendangba (3) Tamajung nungi pilaa maliba. Tesalonika arogo nung Grik nunger süngyanglu kulemba tesayuba ka liasü. (3: 5). Asentensi mapang nung item mapa ajak araloker. Mapa tanabuba aser tasembuba lagi Tsüngrem Tanela jashidakstsü. Tetendangba makai agizükba lagi ne dak aliba Tanela Temeshi jashidakstsü. Koda tejashi! Tanela Temeshi asenok tamajungba tanelai anishidakstsü mokurai dang repranga alitsü makok. Kechiaser asenok temenen nung samatsubaji Pai maginer. Sura asenoki Pa dang "Tanela Temeshi arung aser ni arakzüdakjang," ta shitettsula.

## Texas Naga Fellowship-i sobaliba sentong ka ayongzüka agi

**Kohima, March 14 (TYO):** pelaba lemsatep. Iba sentong

March 09, 2024 nü The Riley Center (Southwestern Baptist Theological Seminary, Fort Worth) nung Texas Naga Fellowship (TNF)-i tasembuba sobaliba sentong agiogo, ta sangdong ka ajanga metedakstsü.

Sobaliba sentongji rongdak mapang nung Naga nunger kaketshirtem yaritsü mesüra Texas nung aliba Naga nunger ajungtsü asoshi rongsen lenmang bushitsü nükjidong nung ayongzük.

Sentong lenir, Asha Sanchu-i Naga nunger puti otsü aser sobaliba tongmelang agi lemsatep.

Pastor, Lanu Lemtur-i sarasadema sentong tenzükba sülen "Then and Now," ta ser video ka ajanga Naga nunger lia aruba otsü saya.

Kasa sentong nung Naga nunger kaketshirtemi sobaliba sübotsü sayaba den Naga nunger ken aser sobaliba yaritsü tsüngsanga liasü.

TNF Tir, Amos Wilson Jamir-i Texas nung aliba Naga nunger nungita yarirtem ajak dang

kanga junga ayongzüktetba atema Athsole Mero Olson nem temeja sempet ka agüja liasü.

Iba sentong tembanga Husezo Rhakho-i sarasadem.

TNF-isa America atema shilem tajung agir Naga nunger ana nem tetushi agütsü.

Coronavirus wara mapang nung Dr. Jonathan Vilasier Iralu-i tenzükba mapa tajung inyakba atema State of New Mexico-i pa nem tetushi agütsü aser July 19 anogo ya "Dr. Jonathan Iralu Day" asütsü sangdonga liasü.

Ano Southern Methodist University nung Ph. D. student, Researcher Khengdauliu Chawang-i chiyungtsü lalushibonga nokdakstsü atema cost effective sensor technology yanglutetba atema 2022 IEEE Sensors Conference alidang Institute of Electrical and Electronics Engineers (IEEE)-i pa nem tetushi agüja liasü.

Texas nung alir Naga nunger temen temen longjema alitsü nükjidong nung 2006 küm Texas Naga Fellowship ya tenteta liasü; tang Texas nung Naga nunger 80-100 shi lir.

**AO OSHI ANGAZÜKDAK:****TANÜ ANGAZÜKTSÜBA OJANG****Sotet**


(v) an aser ozüi tetsüng agi ali anaka agiteta ( dig out by avians)

\* Ozüi alu nung longpen aika soteter liasü.

**Sotet**

(v) aon junga asoba ( cooked well)

\* Tanepbo ni aon kanga junga sotet.

**OLONG PAITEP # 6727****TIPLEN**

2. Teburtemi tejak nung awaba - (8)  
 6. T \_\_\_ em - (3)  
 8. Tzük ayudak - (3)  
 9. Nüngdakba dang timba - (6)  
 11. Züina ao - (4)  
 12. Yangi tzü angur - (5)  
 14. Tangar dang nungi tali - (4)  
 16. Senyong masü - (6)  
 17. Oadokdi - (3)  
 18. Tzü tarok - (3)  
 19. Yimtaklir aikati iba ya ki den küleme yanglusemer - (8)

**LANGTSÜNGLEN**

1. Temejangdak - (6)  
 3. Nisung ka mapa inyaktsü nübo - (4)  
 4. Azüntsü asoshi mejemba - (6)  
 5. Tesangwa agütsüba - (5)  
 7. Tila masü - (4)  
 10. Tebenjem tetsür chanu - (4)  
 11. Tekolak nung inok - (4)  
 12. Tetsüngda - (6)  
 13. Tangar inyakba ka inyak - (6)  
 14. Tim masü ta ashi - (5)  
 15. Asalendong - (4)  
 16. Tanüdangtsü - (4)

**OLONG PAITEP # 6726 TELANGZÜBA****TIPLEN :**

1. Telok, 4. Aluru, 6. Ozüng,  
 8. Emk, 9. Kin, 10. Teti,  
 12. Süir, 13. Jen, 14. Ola,  
 16. Talak, 17. Mazük.

**LANGTSÜNGLEN :**

1. Tenükjang, 2. Luden,  
 3. Kiotksü, 5. Lenti,  
 7. Tajangzük, 11. Teronem,  
 12. Sempa, 13. Jahaz.

**NAI-A YA METETTER MA****TAOBA MAPANG MISS WORLD NUNG INDIATSÜR TAKOKER YAMAI :****Reita Faria Powell (1966)**

- \* Reita Faria Powell (1966)
- \* Aishwarya Rai Bachchan (1994)
- \* Diana Hayden (1997)
- \* Yukta Mookhey (1999)
- \* Priyanka Chopra Jonas (2000)
- \* Manushi Chhillar (2017)

**Manipur: Myanmar den shishilemba akangshitsü atema Wanglee lenmang project agizükogo**



Manipur Minister Yumnam Khemchand-i Wanglee lenmang yanglutsüba tesem tsüngtong tonga oa asadangba mapang tangokba noksa nung angur.

**Imphal, Metsüremi/March**

**14 (TYO):** Indo-Myanmar border nung shishilemba ajungketsü atema Pradhan Mantri Gram Sadak Yojana (PMGSY-III) scheme kubok India sorkari Manipur kubok Myanmar nung Phayang aser Tongchao yimtsüng den arrtsü nung aliba Kamjong district nung Nambasi-Phungchong (Punoram) - Wanglee lenmang project atema sen crore 6.92 agizükogo.

Manipur Rural Development aser Panchayati Raj Minister Yumnam Khemchand, shibai tawa tsüngtonga oa iba yimtsüng nung lenmang yanglutsüba tesem asadangogo,

pai ashiba agi, Wanglee lenmang na rongsenketzung nung tesendaktep akangshitsü atema state sorkari Wanglee bazaar nungi Wanglee yimtsüng tashi

Myanmar-i aoba km 6 talang lenmang yanglutsü atema state sorkaria agizükogo, ta minister-i ashi.

Iba project atema senotsü ya Planning Department ajanga state indang Public Works

Department mesüra PMGSY-III-i agizüka inyaktsü.

Local MLA Leishio Keishing, shibai minister meiner oa liasü, pai osangbenertem dang ashiba agi, Imphal nungi Wanglee tashi lenmang ya highway ka ama yanglura iba lenmang ya Myanmar arrtsü tonga aoba lenmang tatsütiba asütsü.

Tang National Highway 102 nung Imphal nungi Moreh-i aoba lenmang ya Myanmar-i aotsü atema lenmang tatsütiba lir, koba km 109 shi lir.

Moreh nung arrtsü adener shishilemba junga mesüteti aliba mapang Wanglee ajanga shishilemba süttetsü, ta Leishio-i ashi.

**Meghalaya nung Congress party-i TMC aitsü****Guwahati, Metsüremi/March**

**14 (Agencies):** TMC lenir Mukul Sangma-i, Congress-i shitakbaji kechiar mangateter ta ashiba dak sendakba nung taruba Lok Sabha election magi tsüngda Trinamool Congress pur BJP den meima tangatettepba ka yangluogo, ta shia Congress-i iba party atsiüogo.

TMC-i, West Bengal nung menden lemdangtsü atema sensaksemtsü memulungba aser

Meghalaya nung Congress inyakyim ashisha sulen tang iba party aitsüogo.

Congress Legislature Party (CLP) lenir Ronnie V Lyngdoh-i, TMC pur tamendakdak indang jembiba mapang parnok tezü adangba lemsatepogo aser

ashiba agi, West Bengal nung sensaksem takok ngua agi asüba Tura menden den agiija Cogress puri menden lemdangtsü asoshi mulunga

liasü, ta ashi.

Paisa, TMC aser BJP na meima tenangzüktepba yanglur alitsü akok ta shia Meghalaya nung Congress den longjemer inyaktsü atema atsiüayongba atema TMC aitsüogo.

Lyngdoh-isa, vote tem lokteper agütsütsü atema TMC puri tenokdangba agütsüba atema parnok aitsüogo, ajita masü asübo BJP pur tsükdaktsüteter lila, ta ashi.

**Assam nung BJP-i aniba teloki menden 13 akoktsü: CM Sarma****Guwahati, Metsüremi/**

**March 14 (Agencies):** Chief Minister Himanta Biswa Sarma-i Bremostibarnü ashiba agi, Assam nung BJP-i aniba teloki menden 13 akoktsü.

Osangbenertem den sensaksemta mapang CM-i ashiba agi, Assam nung BJP-i menden 13 ayong ayonga akoktsü ta temulung lema bilemer.

Pai ashiba agi, "Jorhat aser Sivasagar nung aliba nüburtemi Narendra Modi tanaben Ato Kilonser mekündaktsütsü? Iba election ya ni mesüra Bimal Bora shimtsüba election masü saka Narendra Modi shimtsü atema lir."

Paisa, Dibrugarh nung Sarbananda Sonowal-i vote lakh 3 angutsü, ta ashi.

"Pai vote lakh 3 mongura nenoki kü dangi arur shiang,"

**Himanta Biswa Sarma**

ta pai osangbenertem dang ashi.

Sarma-isa, parnoki menden 13 bo akoktsü temulung lema bilemer aser kasa mapang nung BJP mesüra parnok den sendakteper aliba party temi Dhubri menden akoktsü makoktsü mejangja, ta ashi.

CM Sarma-i, Dhubri nung menden akoktsü atema BJP indang tamendakdak melenshitsuosa akümtsü ta ashi,

saka pai BJP-i aniba teloki takok angutsü kecha timla mali, ta shisem.

Maneni pai, AGP-i iba menden akoktsü timla terabo lir, kechiyong nisungtem karibo parnok nembo vote agütsü, shirnok BJP bo meshimer, ta ashi.

Temetettsü kaji AGP ya BJP den sendakteper lir aser parnok alliance nung shilem ka ama Dhubri nungi tokteptsü.

## Israel sepaitemi Gaza City nung teyari aginer nisung trok tepset

Gaza City, Metsüremi/ March 14 (Agencies): Israel sepaitemi Gaza City nung Palestine nunger nisung trok khaset aser 83 yirutsü, shirnok Kuwait Roundabout tesem nung chiyongtsü aser humanitarian supplies atatepa liasü, kong teyari oset bener aruba gari tem atar.

Gaza south tsütsü Rafah nung United Nations Relief and Works Agency for Palestinian Refugees in the Near East (UNRWA) ajanga lapoka aliba food distribution centre ka nung Israel mitkartemi tayimtsü amshia amakdang nisung pongu

shi tepster ghonda ishika lir Brehostibarnü iba lendong ya atalok.

Tawa yasa-tzüra aliba civilian tem teyari oset aser chiyongtsü ataa alidak Israel sepaitemi azüdokshiba tali akumer. Hombar aonunga kasa tesem nung Israel sepaitemi chiyongtsü teyari ataa alir nisung 11 tepseta liasü.

Gaza nung teyari bushitsü ang lendong tuluba kumogo aser tangbo Kuwaiti Roundabout dang 'death trap' ta ajar, ta Rafah nungi osangbener kati ashi.

"Israel-i tashiyim amshiba ajanga ali nung teyari agütsürtem mapa nunga lendong lir," ta osangbeneri ashi.

Kuwait Roundabout ya Gaza Strip indang central area aser Gaza City tsüngta lir, koba ajanga Gaza south aser north sendakteper.

(Maneni tapak 8 nung...)

Form No. 3 [See Regulation-I5 (l)(a) / 16(3)  
DEBTS RECOVERY TRIBUNAL GUWAHATI

Suwarna Bhawan, House No. 12, New Town Path, Near Hanuman Mandir, G.S. Road, Ulubari,

Guwahti- 781007 (Assam) - Case No.: OA/26/2024

Summons under sub-section (4) of section 19 of the Act, read with sub-rule (2A) of rule 5 of the Debt Recovery Tribunal (Procedure) Rules, 1993.

PUNJAB NATIONAL BANK vs MESSERS CACTUS DRINKING WATER AND Anr

To,  
(1) MESSERS CACTUS DRINKING WATER  
A PROPRIETORSHIP FIRM REPRESENTED BY ITS PROPRIETOR TOINA N YEPTHO SUMI ADDRESS BLOCK NO 5 CHEKIYE VILLAGE 3 RD MILE DIMAPUR PIN 797112 NAG ALAND  
(2) TOINA N YEPTHO SUMI  
SON OF NIKIYE YEPTHO, RESIDENT OF HOUSE NO - 568, BLOCK NO 6, CHEKIYE VILLAGE, 3RD MILE, DIMAPUR PIN - 797112 NAGALAND

### SUMMONS

WHEREAS, OA/26/2024 was listed before Ron'ble Presiding Officer/Registrar on 04/03/2024.  
WHEREAS this Hon'ble Tribunal is pleased to issue summons/ notice on the said Application under section 19(4) of the Act, (OA) filed against you for recovery of debts of Rs. 2582524.20/- (application along with copies of documents etc. annexed).  
In accordance with sub-section (4) of section 19 of the Act, you, the defendants are directed as under:-  
(i) to show cause within thirty days of the service of summons publication there of as to why relief prayed for should not be granted;  
(ii) to disclose particulars of properties or assets other than properties and assets specified by the applicant under serial number 3A of the original application;  
(iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;  
(iv) you shall not transfer by way of sale, lease or otherwise, except in the ordinary course of his business any of the assets over which security interest is created and/ or other assets and properties specified or disclosed under serial number 3A of the original application without the prior approval of the Tribunal;  
(v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.  
You are also directed to file the written statement with a copy thereof furnished to the applicant and to appear before Registrar on 08/04/2024 at 10:30A.M. failing which the application shall be heard and decided in your absence.

Given under my hand and the seal of this Tribunal on this date:06/03/2024.

  
Signature of the Officer Authorised to issue summons.

Registrar,

Debt Recovery Tribunal

GUWAHATI

Note :Strike out whichever is not applicable.



Venezuela tir election nung tokteptsü Maduro nem temelaba agütsü

Caracas, Metsüremi/March

14 (Agencies): Venezuela indang ruling party ajanga Tir Nicolas Maduro ya aruya aliba election nung par candidate asütsü shimogo.

United Socialist Party of Venezuela (PSUV) ajanga iba telemetba agiba ya Hombarnü menur Diosdado Cabello-i sangdong,

shiba ruling movement nung number 2 ta züngshir, koba asür Hugo Chavez-i tentet aser küm 25 tashi Venezuela nung yimsü süa arutar. July 28 nü election agiba nung Maduro ya tir ka ama küm sük tasembuba inyaktsü asoshi lenmang bushitsü.

Arishi küm 61 tain Maduro ya maneni tokteptsü akok ta nüberemi imla liasü, kong pa den tokteptsü alisang opposition candidate ya election nung shilem magitsü tenokdangba agüja lir.

Küm trok küm sük tanabuba inyaktsü asoshi 2018 küm Maduro shimba nung tim masüba mapa inyaka lir ta züngshir aser United States den linük ter dak temai magizük aser sanction balala agütsü.

Linük aikati pa den toktepsang Juan Guaido ya interim president ka ama züngshia liasü.

(Maneni tapak 8 nung...)

### Office of the

## Molungyimsen Sanglir Kidong Molungnen Tetushi Agütsür



Nagaland Staff Selection Board (NSSB)-i Kütdangsüa agiba Clerical & Allied Services Examination 2023 nung kinunger rongnungi Asür Wb. Temsuyanger aser Wt. Chubainla (Mongsenyimi) na jabaso Sp.Tongpangchang Sanglir-i Director General of Police (DGP) nung LDA cum Computer Assistant (Directorate) mapa ngutetba atema Molungyimsen Sanglir Kidongi pelashishia tenüngagütsür. Iba takok tulu asoshi Amola Chubainla dang alakteta pelaba kinungterem ajak tenüng nung lemsateper.

Tüngremi Sp. Tongpangchang taküm aser wadang maneni moajangma.

Kinunger tenüng nung,  
Sajung Sanglir  
Dimapur

# CHRISTIAN HIGHER SECONDARY SCHOOL

NYAMO LOPHA ROAD, DIMAPUR - 797112, NAGALAND

E-mail: christian.dimapur@gmail.com

Website: www.chssdimapur.com

We design your child's future  
IN LOVE AND



## ADMISSION FORMS & PROSPECTUS

FOR CLASS 11

(ARTS & COMMERCE) 2024-25

FOR BOYS & GIRLS

AVAILABLE AT THE SCHOOL OFFICE  
DURING OFFICE HOUR  
BETWEEN (9:00AM - 1:00 PM)

We build your child's career  
TRUTH WE STRIVE

### SPECIAL FEATURES

- 1. Qualified, Trained & Dedicated Teachers
- 1. Summer Bible School
- 2. Scripture Retreat & Counseling
- 3. Career Guidance Cell
- 4. Smart Board Classrooms
- 5. Hostel for Boys
- 6. Bus Service
- 7. NCC
- 8. Club Activities

## Kohima nung Inter-school boys U16 cricket asayamung asayatsü

**Kohima, Metsüremi/March 14 (TYO):** Cricket asaya ajungkettsü aser Kohima nungi sempet aketba lanur asayartem Kohima District Cricket Association (KDCA)-i March 22 nungi 25 tashi Kohima district kubok aliba school tem atema Inter-School Boys U16 Cricket Tournament ka ayongzuka asayatsü.

Iba asayamung nung shilem bushitetsü nükjidong nung agitsü jangraba school tem dang KDCA Tir (9436298905) mesüra general secretary den tongtepratepa parnok shilem agitsü magitsü jangjatsütsü aser tanga osangtem agitsü metedaktsüogo.

Iba asayamung nung 01-09-2008 aser 31-08-2010 tsüngda asoba asayartemi dang shilem agitettssü, ta KDCA general secretary Keneilhouzo Sekhose-i sangdong ka ajanga metedaktsü.

## 3rd North East Games atema Football fixture sangdongogo

**Kohima, Metsüremi/March 14 (TYO):** North East Games 2024 Competition Committee-i taruba 3buba North East Games March 19 nü 9:00 ako nungi 2024 atema football fixture sangdongogo, koba NAPTC, Chiimoukedima nung March 18 nungi 23 tashi asayatsü. Nagaland, Tripura, Arunachal Pradesh aser Meghalaya Group A nung aser Manipur, Mizoram, Sikkim aser Assam Group B nung lir.

Nagland aser Tripura na March 19 nü 9:00 ako nungi tenzüka mezüngbuba asaya sangdongogo, koba NAPTC, Chiimoukedima nung March 18 nungi 23 tashi asayatsü.

Nagaland football team: Lamsanggin, Ghuqhe Sumi, Hemping, Apeto Sumi, Kuvezo Vero, Shurhosul Zhotso, Mugahuto Sumi, Dziesengulie

Kire, Homuka Yeplho, Bapen Yimjong, Toka Sumi, Puloka Sumi, Hivika Sumi, T. Liang, Kevisanyu Peseyie, Neisede Peseyie, Menoniekho, Limakumzuk Ao, Sanyem Konyak and Haileuyibe Irranggau.

Head Coach Roko Angami, Vizovor (Asst. Coach), Mughato Aye (Manager) aser Zakieletuo physio.

## Indian Wells: Sabalenka tsükogo; Daniil Coco quarter-i iogo

**Metsüremi/March 14, 2024 (Agencies):** America tsür Emma Navarro-i Indian Wells ATP-WTA Masters tasembuba round nung Australian Open champion Aryna Sabalenka tsükdakja quarter-finals tongtetogo. Bodhbarnusa tetsür kija asaya nung Coco Gauff-a quarter-i iogo.

Navarro shiba world ranking nung jenjang 23buba nung lir, lai Sabalenka nongshia asaya aser lia asaya 6-3, 3-6, 6-2 agi kokogo, koba la indang career

nung top-five asayar ka akokba mezüngbuba liasü. Kasa mapang nung US Open champion Gauff, shiba iba asayamung nung third seeded asayar lir, lai 6-0, 6-2 agi Belgium tsür Elise Mertens ayong ayonga kokogo.

Tebur kija asaya tanga ka nung America nunger asayar Tommy Paul-i 6-4, 6-3 agi Italy nunger asayar Luca Nardi kokogo. Paul taruba asaya Casper Ruud den asayatsü, shiba France nunger asayar tejen Gael Monfils 3-6, 7-6 (7/3), 6-4 agi kokogo.

Quarter nung Medvedev, seed tenetbuba nung aliba asaya Holger Rune den asayatsü, shiba match point ka kümzükteta 2-6, 7-6 (7/2), 6-3 agi 2022 champion Taylor Fritz madak takok nguogo.

Tebur kija asaya tanga ka nung America nunger asayar Tommy Paul-i 6-4, 6-3 agi Italy nunger asayar Luca Nardi kokogo. Paul taruba asaya Casper Ruud den asayatsü, shiba France nunger asayar tejen Gael Monfils 3-6, 7-6 (7/3), 6-4 agi kokogo.

Quarter nung Medvedev, seed tenetbuba nung aliba asaya Holger Rune den asayatsü, shiba match point ka kümzükteta 2-6, 7-6 (7/2), 6-3 agi 2022 champion Taylor Fritz madak takok nguogo.

Quarter nung Medvedev, seed tenetbuba nung aliba asaya Holger Rune den asayatsü, shiba match point ka kümzükteta 2-6, 7-6 (7/2), 6-3 agi 2022 champion Taylor Fritz madak takok nguogo.

Pant practice asaya ka ana nung shilem agitsü aser iba sülen pa Delhi Capital pur

March 23 nü Mohali nung Punjab Kings den mezüngbuba asayatsü aliba asaya nung shilem agitsü.

Kasa mapang nung Shami shiba taoba küm ODI World Cup asayaba sülen tenüklang yiruba ajanga tang tashi khen danga masayai lir, pa February ita surgery agiba sülen taküm IPL nung masayatettsü.

Shami shibai 2023 ODI World Cup nung wicket 24 agia liasü, pa taoba ita Achilles tendon surgery agiba sülen England den Test asayamung nunga shilem magitet aser IPL nunga masayatettsü.

Maneni Prasidh Krishna, shiba Karnataka tenüng nungi Ranji asayamung nung Gujarat den Narendra Modi Stadium, Ahmedabad nung asayaba mapang quadriceps yirua liasü pa-a surgery agiogo aser taküm IPL nung masayatettsü.

## Rishabh Pant IPL asayatsü temsü kümogo



asayatsü atema temsüa akümbla sangdunger," ta BCCI sangdong ka ajanga metedaktsü.

Pant practice asaya ka ana nung shilem agitsü aser iba sülen pa Delhi Capital pur

March 23 nü Mohali nung Punjab Kings den mezüngbuba asayatsü aliba asaya nung shilem agitsü.

Kasa mapang nung Shami shiba taoba küm ODI World Cup asayaba sülen tenüklang yiruba ajanga tang tashi khen danga masayai lir, pa February ita surgery agiba sülen taküm IPL nung masayatettsü.

Shami shibai 2023 ODI World Cup nung wicket 24 agia liasü, pa taoba ita Achilles tendon surgery agiba sülen England den Test asayamung nunga shilem magitet aser IPL nunga masayatettsü.

Maneni Prasidh Krishna, shiba Karnataka tenüng nungi Ranji asayamung nung Gujarat den Narendra Modi Stadium, Ahmedabad nung asayaba mapang quadriceps yirua liasü pa-a surgery agiogo aser taküm IPL nung masayatettsü.

**Metsüremi/March 14, 2024 (Agencies):** Board of Control for Cricket in India (BCCI)-i den tatemsä asayaba sülen gari sangdong ka ajanga tsükoka lendong nung wicketkeeper-batsman Rishabh Pant taruba Indian Premier League (IPL), asayatsü atema temsüa

Rishabh Pant Bangladesh den tatemsä asayaba sülen gari sangdong ka ajanga tsükoka lendong nung densema kanga mejungi yiruba sülen tang tashi khen danga masayai lir.

"Uttarakhand kubok kümogo ta sangdongogo. Roorkee anasa 2022 küm Ajisüaka fast bowler Mohammed Shami aser Prasidh Krishna nabo yirur aliba ajak taküm IPL nung

BENDANGLI OSANG : Tapak 7 nungi...

## Venezuela tir election nung...

Juan Guaido indang sorkar laoba sülen totzü peria aliba linük nungya küm pezü lir Maduro ya tashi ita lir aser Ukraine nung raraba ajanga alimai Venezuela nung merangloki akum.

Pa ya political patronage system, mitkar aser Cuba, Russia aser China linüktemi yarir.

Venezuela nung election ya July 28 nü agitsü ta taoba hopta Venezuela indang National Electoral Council ajanga sangdonga liasü.

Maduro'er sorkar aser opposition temi taoba küm Barbados nung 2024 küm election shidak agitsü mulungtепа liasü aser iba election nung international observers alitsü aser court

Iba sülen Maduro tashi angaba Supreme Court ajanga opposition primary winner Maria Corina Machado aser dangartem nem küm 15 tenokdangba agütsüba yong Washington-i tenokdangba tanaben agütsüshitsü asadang.

Tir asoshi tokteptsüpuri March 21 aser 25 tsüngta CNE nem nomination

agütsütsüla.

Israel sepaitemi Gaza City nung teyari aginer...

Teyari oset agütsüba agencies ajanga ashir. February 9 nungi anogoshi

Gaza-i trucks 55 shi yoker, aser rara metenzükang trucks 500 shi yoka liasü, ta UN Office for the Coordination of Humanitarian Affairs (OCHA) ajanga ashir.

Israel-i tenokdangba balala agütsüba ajanga Gaza nung teyari balala kanga nüngdaka aliba indang tebilemtsü lemsatepba mapang, Gaza nung nisung million tesadang ka shi, mesüra nisung pezü nung ka yasa-tzüra lir, ta UN-i ashir.

Israel-i Gaza Strip nung aya wara ama tensa ka adokdaktsüogo, ta humanitarian aid group Refugees International ajanga ashi.

Iba telok yagi Egypt, Jordan aser Israel nung research agiba mapang Tel Aviv-i tanen makai Gaza nung aid operations nung tenokdangba aser timtem agütsür, tejangja relief operation nokdanger aser Gaza telungi humanitarian aid yokba tajungba kumdahtsütsü mera agitsü memulunger, ta ashi.

"Tayimtsü amshia teyari agütsüba aser Gaza aid port ka ajanga item aibelen mesamatsü. Aser parnoki asaa y a s a - t z ü r a d a k t s ü b a mazüoktettsü," ta lai ashi.

Israel ketdangsürtemi January 23 nungi tang tashi Gaza north tsütsü teyari agütsütsü memelar, ta UNRWA ajanga ashi.

Israel-i Gaza indang border crossings azüoka lir aser rara tenükba sülen iba linüki aiba tesem ka dang lapok aser aji ajanga aotsü atema maparen

zünger mezüngmai lir, ta UN ajangasa ashi.

Tesüiba ghonda 24 tsüngta Gaza nung Israel-i amakdang Palestine nunger nisung 31,341 tepsetogo aser 73,134 yirüsüogo, ta Gaza nung aliba Ministry of Health ajanga Brehostibarnü ashi.

BILEMDANGANG  
"Memerangdangi toktsübaji nisung ka tashimait tulutiba lir."